

摘藻堂四庫全書薈要

史部

欽定四庫全書叢要

史部

欽定天祿琳琅書目卷九

詳校官員外郎臣潘紹觀




欽定四庫全書薈要卷一萬三十八

史部

欽定天祿琳琅書目卷九

明版子部

  
標題句解孔子家語

一函  
三冊

明何孟春補註三卷前漢孔衍魏王肅二序孟  
春自序林俊序

前影宋鈔中載王肅所注孔子家語係為十卷  
較此三卷詳備遠甚蓋孟春未見肅注序中已

自言之矣考明史孟春字子元彬州人登弘治  
六年進士由兵部主事歷官吏部左侍郎世宗  
時以議大禮屢疏力爭出為南京工部左侍郎  
引疾歸及明倫大典成削其籍卒於家隆慶初  
贈禮部尚書諡文簡林俊明史無傳按朱彝尊  
明詩綜小傳俊字待用莆田人成化戊戌進士  
由刑部主事累官至刑部尚書加太子太保諡

貞肅

荀子

一函  
十冊

周荀況撰唐楊倞注二十卷前倞序

是書版心上方標世德堂刊四字按世德堂原版係以老子莊子列子荀子楊子文中子合刻行世者而此本則其分部單行之本版式印手俱工

明桑氏收藏諸印一稱黎陽郡叢桂堂考黎陽即桑氏族望一稱栢臺世澤考明代桑氏官御

史稱忠直者惟嘉靖間江都桑喬為最著此或  
其後人耳其文峰主人子純氏本樸氏諸印當  
即一人之私印也



俱朱文  
序



白文  
目錄



白文



朱文



白文  
俱卷一

荀子

二函  
十四冊

篇目同前

此亦前版分部單行之書

五臣音註揚子法言

一函  
四冊

漢揚雄著晉李軌唐柳宗元宋宋咸吳秘司馬  
光五家注十卷前咸序次咸進書表次光序次  
篇目次渾天儀圖說二篇

考馬端臨文獻通考載揚子法言十三卷引鼂  
公武讀書志云晉祠部郎中李軌注宋史藝文  
志載柳宗元注揚子法言十三卷宋咸補注又  
載司馬光集注四家揚子法言十三卷文獻通

考亦載溫公集註法言十三卷引讀書志云溫公集晉李軌唐柳宗元國朝宋咸吳秘注溫公自言李祠部注本及音義最為精詳宋吳亦皆據李本而文多異同今叅以漢書取其通者以為定本先審其音乃解其義云云據諸書所稱軌及宗元秘所注者俱止名為注咸注者謂之補注光集者謂之集注明以前未嘗稱音注亦無五臣之目且著於錄者皆十三卷不止十卷



是本亦世德堂所刊六子中之一蓋仿文選注  
名而稱為五臣因其兼及審音而稱為音註又  
改併卷帙省為十卷則皆非宋刻之舊乃書中  
所載咸進表亦稱十卷豈改竄其原文耶咸字  
貫之建陽人天聖二年進士官至都官郎中秘  
甌寧人官提點京東路刑獄並見凌迪知萬姓  
統譜

桑氏收藏印記見前



文奉  
主人

俱朱文

宋序

恩壽堂

白文

篇目

桑氏  
本樸

白文

卷一

五臣音註楊子法言

一函  
四冊

篇目同前

五臣音註楊子法言

一函  
八冊

篇目同前

以上二書皆與前部同版而紙墨則以第二部

為勝也

劉向新序

一函  
四冊

漢劉向著十卷目錄後有宋曾鞏序

此蓋明翻宋槧之本而紙質則嫌麤厚撫印亦

未能工

劉向說苑

一函  
八冊

漢劉向著二十卷首宋曾鞏序目錄後載向原

序

此與新序同時並刊之本

徐幹中論

一函  
二冊

漢徐幹著上下二卷前無名氏序次宋魯鞏序  
後宋石邦哲元陸友識語二篇

考中論一書陳振孫書錄解題謂唐志六卷今  
本二十篇有序而無名氏蓋同時人所作鼂氏  
讀書志馬氏通考所載俱稱二十篇分上下二  
卷與今本篇目無異按石邦哲識語稱紹興二  
十八年假朱丞本校於博古堂陸友識語稱邦

哲字照明再世藏書至治二年得之錢塘仇遠  
氏是此書乃初校於宋再刻於元而今本則又  
為明時翻刻者版小而字畫精潔不減宋梓邦  
哲紹興時官大理評事友字友仁博雅好古工  
漢隸八分嘗著硯史墨史印記並見凌迪知萬  
姓統譜仇遠字仁近自號近村又號山村見兩  
浙名賢錄

文中子

一函  
四冊

隋王通著宋阮逸注十卷前逸序

是書亦世德堂刊本樞印並工

桑氏收藏諸印記並見前惟中增瀛洲仙客一印



俱朱文  
序



白文  
篇目



朱文



俱白文  
卷一

皇極經世書

四函  
三十冊

宋邵雍著十卷

此書前後俱無序跋考鼂氏讀書志陳氏書錄  
解題馬氏文獻通考俱作十二卷雍子伯溫為  
之敘系其畧云其一之二則總元會運世之數  
三之四以會經運五之六以運經世七之十則  
以陰陽剛柔之數窮律呂聲音之數以律呂聲  
音之數窮動植飛潛之數十一之十二則論皇  
極經世之所以為書蓋原書十二卷前十卷為  
書謂之皇極經世書末二卷為篇謂之觀物篇

又別見觀物內篇二卷單行之本陳振孫謂即經世書之第十一第十二卷也內篇之外又有觀物外篇六卷鼂公武謂雍門人所記張載謂外篇亦雍所作門人第編集之引雍詩若無楊子天人學安有莊周內外篇之句為證近世刊行之本僅止觀物內外篇而前十卷之書不可多覲此書雖闕二卷而前十卷獨全洵收藏家希有之珍也



心經附註

一函  
四冊

宋真德秀心經明程敏政附註前敏政序次德  
秀心經總目并贊次宋顏若愚跋次宋程復心  
心學圖并說後敏政後序明汪祚識語末李滉  
心經論

按敏政是書以真西山心經為綱採摭程朱以  
下大儒之言互有發明者附之於後故名附註  
第考明史藝文志僅載敏政道一編五卷而附

註一書不見著錄今按敏政自序汪祚識語同  
作於弘治五年而李滉論乃作於嘉靖四十五  
年相距又七十五載其論極言敏政道一編以  
朱子晚年悔悟與陸氏合之說為牽合附會而  
獨取此書遵朱子之意贊西山之經為有益學  
者故為此論以發明之據此則為敏政未刊之  
書而滉所梓行者因明末儒林宗尚良知故道  
一編多所流傳此書雖刻而仍未盛行史家遂

獨見遺也考凌迪知萬姓統譜程復心婺源人  
仕元為徽州路教授嘗著四書章圖總要明史  
文苑傳程敏政字克勤休寧人成化進士累官  
禮部侍郎贈禮部尚書歙縣志汪祚字承之著  
有寶經堂稿崇孝編顏若愚李滉爵里俱未詳

太原發微

二函  
十冊

元鮑雲龍著明鮑寧辨正五卷前雲龍自序次  
元方回二序次總目次辨正凡例次圖一卷次

篇目名義一卷次問答節要一卷後元曹涇跋  
戴表元後序

考鮑寧辨正一書見明史藝文志此本載方回  
二序一述鮑雲龍著書之意一敘鄭昭祖刻梓  
之由雲龍著書時嘗與回辨析其義所云問答  
蓋往來手札中語也寧之辨正以小字分註本  
文之下又刪問答之繁複者名為節要是此書  
初刻出於昭祖今本則寧作辨正後所刊也篇

目名義亦寧所作後一部有寧序此本闕之回

之二序一作於至元辛卯一作於元貞丙申曹

涇跋亦作於丙申戴表元序作於大德己亥皆

昭祖原刻中所有而寧仍其舊者考歙縣人物

志鮑雲龍字景翔鮑寧字廷謚方回字萬里一

字困甫號虛谷宋時知建德府入元累遷通議

大夫曹涇字清甫號宏齋至元中授紫陽書院

山長著服膺錄讀書記諸書鄭昭祖字孔昭元

初以薦除廣南西道儒學提舉不赴元史戴表元字帥初奉化人咸淳中進士乙科大德八年拜信州教授調婺州以疾辭

天原發微

一函  
四冊

篇目同前前有明鮑寧序其鮑雲龍自序方回後序辨正凡例曹涇跋戴表元序俱闕

此與前書同板而撫印在後故紙墨不及

闕補圖 十二卷一 二十八卷二下 十二卷三下

七  
卷四 三十五  
卷五上 二  
卷五下 五十二

聖學心法

一函  
四冊

明成祖御撰四卷前成祖序

成祖序稱嘗見唐文皇帝作帝範十二篇以訓  
其子雖未底于精一執中之蘊要皆切實著明  
可以為治故於幾務之暇采古聖賢嘉言編輯  
為書云云其書四卷皆言君道而以父道子道  
臣道附於第四卷之後此本撫印不佳似是坊

間售本非內府印藏之書也

五倫書

四函  
三十二冊

明宣宗御撰六十二卷前明英宗序

考明史藝文志載五倫書六十二卷宣宗採經  
傳子史嘉言善行有關於五倫之道者編輯成  
帙正統中英宗製序刊行此書撫刻極精並是  
當時初印之本

明內府藏本有廣運之寶



廣運  
之寶

朱文  
序

目錄  
每卷首

五倫書

六函  
六十冊

篇目同前

此與前書同時撫印而紙質之緻膩過之

明內府藏本鈐寶同前

廣運  
之寶

朱文  
序

目錄  
每卷首

五倫書

四函  
六十二冊

篇目同前

此本印工較前二部更為精潔

鈐寶同前

朱文序目錄

廣運  
之寶

卷一之卷五十二卷五十五之卷六十二

闕補卷五十四全

五倫書

六函  
六十二冊

篇目同前

此本撫印在前三部之後書中雖鈐內府之寶而亦有收藏家私印者未必非因紙墨稍差散入民間也韓氏仲氏印記未詳其人

廣運之寶

朱文序

目錄每卷首

穀胎主堂人

韓允嘉印

家傳忠孝之章

俱朱文

序

大夢齋

白文序卷三

卷六卷八之卷五九

世德堂仲氏

戊戌進士

俱白文

目錄

般陽韓允嘉世藏書史圖識記

卷一

朱文

五倫書

四函  
六十冊

篇目同前

此書墨香紙色與第一部同亦撫印之佳本也

明內府鈐寶並同

廣運  
之寶

朱文序

目錄 每卷首

格物通

二函  
二十冊

明湛若水著一百卷前若水自序次進書表次

謝恩進書疏疏後載明世宗諭旨次若水纂要  
錄一卷後明周相呂柟二序高簡跋

按若水此書以大學明德之事莫先于格物格  
之為功在于誠意正心修身遂可以齊家治國  
平天下故自誠意以下類其物之繁簡列以目  
之多寡或綴經史格言或闡祖宗大訓明史稱  
其仿大學衍義補而作者是也書成百卷進于  
嘉靖七年世宗極為嘉賞周相呂柟高簡各序

跋皆作于嘉靖十二年三人皆出若水門同刻  
是書者也若水字元明增城人弘治十八年進  
士歷官南京國子監祭酒南京吏禮兵三部尚  
書呂柟字仲木高陵人正德戊辰進士第一累  
官南京禮部侍郎贈尚書謚文簡見明史儒林  
傳周相吳江人高簡綿州人俱嘉靖乙丑進士  
見太學題名碑相作序時官四川道監察御史  
明內府藏本有廣運之寶潯陽陶氏印記未詳

其人

廣運之寶

朱文序

陶印惟璚

白文

潯陽陶氏藏書之章

朱文俱每冊首

闕補卷六  
五卷七  
九

古今考

一函  
二十四冊

宋魏了翁著元方回續三十八卷前了翁序序  
後有回識語

按此書雖名為了翁所撰而經其手定者止二

十則餘皆回所續成每條之首俱標某某曰以  
為別引史傳語則稱某紀某傳故予了翁所自  
著者燦若列眉矣每卷首第二行悉標上海後  
學王圻校刊其三十八卷之末附刊元人周文  
英詩一章并其子南序序題至正二十年稱此  
書未能版行姑與同志者抄寫數十本云云是  
此書在宋元間並無刊本至王圻始為付梓也  
文英父子爵里俱無考了翁回並見前



闕補卷一 二十

老子道德經

一函  
二冊

周李耳撰二卷河上公章句前三國葛元序

此亦從世德堂刊本中分出單行者其撫印與  
前荀楊諸子並出一時

南華真經副墨

一函  
六冊

周莊周著明陸西星注八卷前明程涓序次西  
星自序次篇目次讀南華真經雜說次批點法

次論音叶次論字畫後明孫大綬序

按西星自序稱南華為道德經之註疏妙竅同  
元並通大乘之秘故為是註以匡昔賢之不逮  
云云蓋合二家之說而叅訂一書也其以副墨  
為名者即取莊子副墨之子聞諸洛頌之孫句  
考郭象注副墨即文字之謂西星序作于萬歷  
戊寅涓與大綬二序俱作于萬歷乙酉涓字巨  
源新安人大綬字伯符各見本序西星爵里無

考是書紙墨雅潔可稱明版佳本

冲虛至德真經

一函  
四冊

周列禦寇著晉張湛注唐殷敬順釋文八卷前  
湛序目錄後載漢劉向原序

考馬端臨文獻通考載張湛注列子八卷又載  
列子釋文二卷是知宋時傳本注與釋文分刻  
此則合刊亦世德堂梓行六子之一也其以冲  
虛至德真經為名者唐天寶初奉冊列禦寇為

冲虛真人改題其書為冲虛真經逮宋景德四年勅加至德之號又稱冲虛至德真經龔公武讀書志所載已同此名矣

桑氏叔藏印記見前



文舉  
主人

俱朱文

張序



白文

目錄



白文



朱文



白文

俱卷一

冲虚至德真經

一函  
六冊

篇目同前

亦世德堂刊本紙墨與前部同

戰國策

一函  
八冊

宋鮑彪註十卷前彪序次載漢劉向宋曾鞏上  
目錄序二篇卷十後有彪識語

前宋版戰國策有王信序自記其梓刻之由此  
本無之惟卷末有嘉定五年夏月世綵堂刊本

記其左右邊闌墨線俱就版中分行線痕湊成  
木記之式其為偽造固已顯然況字畫亦遠不  
相及乎

徐撫收藏印記無考次一印青字下一字糝糊  
不可辨識



夏鑒序

卷四卷六



白文 鮑序

卷一



白文

卷三之卷九



朱文

卷八

呂氏春秋

秦呂不韋著漢高誘訓解二十六卷前誘序目錄後有鏡湖遺老識語明張登雲跋

考是書卷目各家著錄互異唐宋藝文志及晁氏讀書志並作二十六卷惟馬氏文獻通考作二十卷陳氏書錄解題又作三十六卷與此本亦異按鏡湖遺老識語稱餘杭鏤本亡三十篇又有脫字漏句此本得於東牟王氏四明使君於元豐初奉詔修書於資善堂取太清樓藏本

為之校定元祐壬申余喜得此書校讐始就為  
一客挾去後三年見歸因募筆工錄之云云據  
此則鏡湖遺老為宋人其時所校定者原未嘗  
刊刻此本有陳世寶訂定朱東光補叅張登雲  
繙校諸名目刊列于標題之下是其書為登雲  
所手刻而遵用鏡湖遺老校定舊本概可見也  
陳世寶朱東光爵里俱無考張登雲山東兗州  
府寧陽縣人登隆慶辛未進士見太學題名碑



明鄭曉藏本有淡泉大司寇章二印曉字室甫  
號淡泉海鹽人嘉靖元年舉鄉試第一明年成  
進士由職方主事歷官刑部尚書以忤嚴嵩坐  
事落職隆慶初贈太子少保謚端簡明史有傳

淡泉

大司寇章

俱朱文高序卷一卷三卷七卷十

卷十三卷十五卷十七卷十九卷二十一卷二十四

論衡

二函  
十二冊

漢王充著三十卷後有宋楊文昌後序

文昌爵里無考其序作於慶歷五年稱先得俗  
本七率二十七卷其一程氏西齋所貯又得史  
館本各三十卷於是互質疑謬沿造本源又為  
改正塗注凡一萬一千二百五十九字募工刊  
印云云今考鼂公武陳振孫馬端臨諸家著錄  
卷目悉符則文昌校刊之本為可據矣此本版  
心下方有通津草堂四字紙質墨光係為明製  
蓋取文昌定本而重加校刻者

農書

一函  
五冊

元王禎著農桑通訣五卷農桑圖譜二十卷穀譜十卷共三十五卷前禎自序後山東巡撫准刊文移

此書卷末有大明萬歷二載甲戌濟南府章邱縣刊行木記而卷首則載嘉靖九年山東巡撫邵准布政司顧應祥申請文移一通內稱元豐城縣尹王禎所著農書三部久無刻本應再加

校正命工翻刻分發所屬附州縣掌印治農等  
官云云是此書初刻於嘉靖九年而章邱縣署  
又翻刻於萬歷二年故撫印字畫俱不能工整  
然實為重農務本之書固自可寶考泰安府志  
稱王禎字伯善東平人官旌德令再調永豐不  
言其為豐城尹按永豐豐城二邑皆隸江西名  
復相近其中所載或各有訛誤也禎為山左人  
其書自盛傳於故土官山左者因為刻梓以表

章之第惜木記中未載章邱縣尹之名遂不可  
考其人固勤於民事者矣顧應祥字惟賢長興  
人弘治乙丑進士累官南京刑部尚書贈太子  
少保著有崇雅堂集見浙江通志

六子全書

一函  
八冊

老子二卷河上公章句前三國葛元序次老氏  
聖紀圖莊子十卷晉郭象注唐陸德明音義前  
象序次太極圖說列子八卷晉張湛注唐殷敬

順釋文前湛序荀子二十卷唐楊倞註前倞序  
次圖楊子十卷晉李軌唐柳宗元宋宋咸吳秘  
司馬光註前咸序并進書表次光序次圖文中  
子十卷宋阮逸註前逸序書首載宋龔士高總  
序

前宋版中有荀子一部南華真經一部其版皆  
與此書之荀子莊子相同觀楊子序後木記云  
將監本四子精加校正謄作大字刊行是宋時

初刻止有四子也龔士高序于老莊荀楊之外  
兼論文中而不及列子則士高增刊亦止五子  
今書有六子者蓋明人翻刻時始增列子無疑  
也且書中通體字畫俱不圓整而序文之字用  
筆牽連處並多紕謬尤為翻刻之明證第所載  
楊子亦止十卷據木記所云豈宋時監本已改  
併十三卷為十卷耶

明毛晉王時敏俱經收藏按朱彝尊明詩綜小

傳時敏字遜之號煙客太倉州人太傅錫爵孫  
承祖蔭官尚寶司丞弘載家藏印無考

朱文

虞山汲古閣  
毛子晉圖書

王時敏印

白文

煙客

朱文

俱龔序

弘載家藏

朱文 莊子卷十

文中子卷十

闕補莊子卷五 二十八 卷七 三十一 揚子卷十一

六子全書

二函  
十四冊

篇目同前不載圖

此書版心上方俱標世德堂刊乃為六子合印



全本也版式刻工遠勝前部然書首仍載龔士  
高序則于序中之止言五子並未加考且標為  
老子道德經序益見其疎畧實甚矣  
收藏印記無考

吳趨

朱文

楊子宋序

三槐  
之裔

朱文楊子宋序卷一

卷三文子卷六

大宗  
伯章

朱文楊子卷二

卷三文子卷六

六子全書

二函  
十四冊

篇目同前

此即世德堂刊本而鑱去版心之字惟於老子  
上卷第五葉標桐陰書屋校蓋其版為書賈所  
得遂鑱去世德堂偽充宋槧又故作校正之名  
補刊上方以掩人耳目也

闕補荀子卷十 二十三

六子全書

二函  
十四冊

篇目同前

此亦鑱去世德堂後印本然墨色精瑩印工之

良也

明張宏志藏本宏志河南開封府項城縣人登  
崇禎丁丑進士第見太學題名碑其仍稱曲江  
者蓋九齡之裔耳

曲江  
張氏

白文

龔序

赤松  
游

宋文龔序荀子楊序卷十四

楊子宋序文中子阮序

張宏  
志印

白文

老子卷上

莊子郭序卷三卷五卷七之卷九列子張序卷五荀子卷一卷四

卷七卷十一卷十四卷十八楊子卷一卷四卷七文中子卷一

卷六

朱文 老子卷上

白文 莊子卷五卷七之卷九

行素居士

莊子郭序 卷三

行素子

列子張序 卷五 荀子卷一

卷四 卷七 卷十一 卷十四 卷十八

楊子卷一卷四卷七 文中子卷一卷六

六子全書

八函四十冊

篇目同前

此本亦標桐陰書屋校而撫印在前二部之後

紙墨俱遜

六子全書

六函  
四十冊

此本並將桐陰書屋校五字俱為割去而補痕  
顯然又作偽之拙者矣

蕭夢亭收藏印未知誰氏

白文



每冊首

闕補老子卷上

十六

列子卷八

十

荀子卷十九

十八

文中子卷三

八

卷五

十四

五子全書

一函  
三冊

鬻子一卷唐逢行珪註前行珪序並進書表子  
華子二卷前漢劉向序鶡冠子三卷前宋陸佃  
序唐韓愈讀鶡冠子文尹文子一卷前魏仲長  
氏序公孫龍子一卷無序書首有明歐陽清總  
序

按此書卷數與宋時諸家所著錄者互有盈縮  
鼂氏讀書志陳氏書錄解題馬氏文獻通考所

載子華子皆作十卷而此本止二卷鼂氏陳氏

所載尹文子並作三卷馬氏所載二卷宋史藝文

志又作一卷而此本則亦作一卷與宋史同陳

氏馬氏所載公孫龍子皆三卷而此本又止一

卷惟鬻子鷦冠子與諸書所載皆合此篇目異

同之概也鬻子為行珪所註考凌迪知萬姓統

譜稱行珪為隋時人而鼂陳諸家皆謂行珪官

華州鄭縣尉其書進於永徽四年則已在唐高

宗時矣至諸家所載尹文子皆稱為仲長氏所  
定馬氏述李獻臣之言謂仲長氏統也又言傳  
稱統卒於獻帝避位之年而此云黃初末到京  
師豈史之誤乎云云蓋以序中稱黃初疑為非  
統而陳振孫又云仲長即統未知孰是書首歐  
陽清序作于嘉靖五年清上饒人官浙江按察  
司副使其序稱五子向有刻本久未及校始為  
改誤補正云云則是宋元以降雖有舊刊之版



而此本乃清所別刻者矣

荆川稗編

六函  
六十冊

明唐順之著一百二十卷前明茅坤序次順之  
自序次茅一相序并例義

按順之此書博採經史諸子百家之說凡農圃  
醫卜方技一切小道無不備載其書為順之門  
人毘陵左烝所刊後茅坤姪一相以其不載原  
書批點為之鑊入其實仍為左氏原版觀書中

每卷標題之下仍各載考校門人姓氏而左  
之名列于卷首是可証也考明史順之字應德  
武進人嘉靖乙丑進士累官僉都御史巡撫淮  
揚天啓中追謚襄文茅坤字順甫歸安人嘉靖  
戊戌進士累官廣西按察司副使  
補齋印記無考

補齋

朱文

茅坤序

梁谿漫志

一函  
五冊

宋費衮著十卷前衮自序次國史院抄錄梁谿漫志牒文次宋樓鑰序施濟跋語

考宋史藝文志載是書入小說家止稱一卷以此本証之則史臣之誤也費衮始末無考按常州志梁谿源出惠山南流入太湖古溪狹小梁大同中重浚故名梁谿則衮為常州人可知矣其自序作於紹熙三年施濟識語作於嘉泰元

年稱袞以書屬濟濟於為邑之暇命工刻梓云  
云是此書初刻係出施濟之手然書前所載樓  
鑰序文乃作于嘉定元年則距施濟刻梓之時  
已逾七載施之刊本不應有之或鑰所作序者  
又別為一本此則明代所刻因合前人所有序  
與識語而并載之耳

何氏語林

一函  
六冊

明何良俊著三十卷

是書刊刻精良撫印清朗為明版最佳之本前  
後不載序跋惟第一卷後有清森閣雕梓木記  
考朱彝尊明詩綜小傳良俊字元朗松江華亭  
人由歲貢生授南京翰林院孔目有清森閣集  
則此書乃其所自刊也書分三十六門取歷代  
史鑑中事實依類引据止于元代自為之註

野客叢書

一函  
十冊

宋王楙著三十卷前楙自序並識語後宋郭紹

彭撰榘壙銘陳造跋

按紹彭所作榘壙銘述此書考証經史百氏下  
至騷人墨客佚事細大不捐士大夫爭先騰寫  
欲鋟木以傳先生辭之據此則是書在家時本  
未刊行故文獻通考諸書及宋史藝文志均未  
著錄直逮明時始有刊本而王圻續通考仍未  
採入則固收藏希有之書也王榘郭紹彭宋史  
俱無傳陳造字唐卿高郵人淳熙進士累官朝

散郎淮南安撫司參議見高郵州志

書中有趙氏子昂印記篆法不工又三吳世家  
一印字體並多譌謬書賈偽造不足存也

重廣補註黃帝內經素問

一函  
十冊

二十四卷唐王冰註宋林億孫奇高保衡校正  
孫兆改誤前億等進書序次冰原序

按鼂公武讀書志陳振孫書錄解題俱稱王冰  
自號啓元子陳氏又稱其為寶應中人官太僕

令而王冰之名載于讀書志及文獻通考者並作砒惟宋史藝文志仍作冰字與此書同按集韻韻會諸書砒並音砒為水擊出巖聲與冰字音義迥別據此書作冰則知鼃馬二家之誤也又按宋史藝文志及鼃陳諸家著錄皆第稱黃帝內經素問二十四卷而無重廣補註之名則此本定為明人翻刻時所加名目且書錄解題但稱林億高保衡承詔校定並無孫奇之名亦



不言有孫兆改誤之事今本增入孫奇孫兆二人則重廣補註之名當即為此二人所加矣書中凡遇宋諸廟諱皆從缺筆蓋偽充宋槧之所為然撫刻特精固翻板之絕佳者林億于宋嘉祐中官光祿卿見至元嘉禾志孫奇諸人無考嘯月眠雲及丈夫意氣相許二印未詳

嘯月  
眠雲

白文林億等序目錄卷二之卷四卷六卷八卷九

卷十一卷十三卷十五卷十七卷十九之卷二十三

丈夫意  
氣相許

白文目錄 卷二之卷四 卷六 卷八 卷九

卷十一 卷十三 卷十五 卷十七 卷十九之卷二十三

重廣補註黃帝內經素問

二函  
十四冊

篇目同前

撫印在前部之後墨色少差而實為一版也

重修政和經史證類備用本草

二函  
二十四冊

宋唐慎微編輯三十卷後宋嘉祐間掌禹錫等

補註本草奏勅并圖經本草奏勅次政和間校

刊證類本草各官銜名次宋宇文虛中元劉祁  
書後二篇

此書卷首有金泰和甲子刊書木記別無序文  
其自嘉祐以前所有本草諸序皆載于卷一中  
名為序例而嘉祐間禹錫等進書奏勅又列于  
書末不入卷中其體例殊不畫一蓋因宋金元  
明輾轉重刊互有改易故也按馬端臨文獻通  
考載證類本草三十二卷述鼂公武讀書志云

慎微合兩本草為一書且集書傳所記單方附之於本條之下所謂兩本草者一名補註神農本草一名圖經本草皆掌禹錫等先後奉勅所編補註進于嘉祐之初圖經進于嘉祐之末此書猶載兩次奏勅于後則慎微藍本于此可見第考慎微此書前後稱名亦復不一陳氏書錄解題載大觀本草三十一卷稱為唐慎微撰又稱仁和縣尉艾晟作序名曰經史證類本草是

合大觀本草與證類本草為一也馬端臨文獻

通考則載大觀本草三十一卷于前又載證類  
本草三十二卷于後而于大觀本下即引陳振  
孫所稱艾晟作序名曰證類之言則名雖分列  
而實復混同惟宋史藝文志直載大觀經史證  
類備急本草三十二卷兩名始併為一名矣然  
諸書但及大觀之名而總無政和之號且皆稱  
三十二卷或稱三十一卷而此本獨三十卷并

以重修政和標題又備用之稱與宋史備急之  
名互異以卷首金泰和甲子刊書木記証之是  
明時別據泰和刊本重刻行世不以宋槧為準  
故卷數標題各有盈縮異同也况宇文虛中所  
作書後明言慎微字審元成都華陽人治病百  
不失一不取一錢但以名方秘錄為請以此士  
人喜之得一藥名一方論必錄以告云云而文  
獻通考所引書錄解題乃云慎微不知何人考

宋史虛中字叔通成都華陽人大觀三年進士  
建炎二年應詔為祈請使使金不歸受官至翰

林學士知制誥兼太常卿封河內郡開國公金  
人號為國師據此則虛中本與慎微同鄉故能  
詳其始末又知其書復經政和間奉勅校刊在  
大觀時者尚非定本故又題為政和而分卷則  
三十耳虛中使金與宋隔絕所作書後金人刻  
之而宋人初未之見故謂慎微不知何人也此

書與後一部篇目雖同而版刻較工者按後一部為明萬歷間蜀府承奉正陳瑛刊本其所載序文有成化間山東巡撫原傑刊本序又有嘉靖間山東臬使周琬刊本序則是書在明時固有三刻此或為成化嘉靖間所刊而闕其序文也考宋史掌禹錫字唐卿鄆城人登進士第累官尚書工部侍郎劉祁無考

明內府藏本有廣運之寶



朱文木記首目錄

廣運  
之寶

卷一之卷三十

重修政和經史證類備用本草

二函  
十二冊

篇目同前前有明周倬王積項廷吉馬三才商  
輅序五篇

按商輅序為原傑刊本作王積項廷吉馬三才  
三序為周琬刊本作周倬序則萬歷五年為蜀  
府承奉正陳瑛校梓此書而作也慎微本蜀人

蜀府為刻其書足稱盛事獨惜撫印不精較之前部相去不啻倍蓰矣原傑字子英陽城人正統十年進士歷官山東湖廣巡撫贈太子太保周琬應城人累官右僉都御史巡撫蘇松俱見明史本傳周倬字初卿成都人嘉靖辛丑進士歷應天府尹見凌迪知萬姓統譜馬三才德清人嘉靖丁丑進士見太學題名碑商輅見前陳瑛王積項廷吉俱未詳考明史諸王表太祖子

椿於洪武十一年封蜀王二十三年就藩成都  
其承奉正官名史中所載王府官屬并無此稱  
或係當時所暫置者

圖繪寶鑑

一函  
四冊

元夏文彥著五卷補遺一卷前元楊維禎序文  
彥自序

考栗祁湖州志云夏文彥吳興人後居雲間精  
圖畫著有圖繪寶鑑五卷行世但稱五卷不云

有補遺一卷今按文彥自序作于至正乙巳自謂彙而成編分為五卷其補遺後別行又標至正丙午新刊則補遺之作在文彥自序中且未之及故栗祁作志亦從其畧不知乙巳丙午僅越一年自是一時並刊非為後出栗志之疎固不足辨又按楊維禎序中稱雲間義門夏氏士良又稱士良名文彥云云栗志僅詳其名而不及其字則其未經深考可知也士良本至明時

版已漫漶正德中有錦衣衛都指揮苗增字益之取家藏本繕寫重刊又彙次當代善畫者續編為六卷刻於正德己卯司經局洗馬滕霄為序是本仍止五卷及補遺並無重刊序跋係欲偽充原槧者然選紙堅緻古香黦然亦佳本也楊維禎字廉夫浙江會稽人元泰定中進士

宣和書譜

一函  
二冊

宋徽宗御撰二十卷

按鼂氏陳氏馬氏諸書目皆不載是書則在宋時僅為內府秘籍並未流行見之者少當時有書畫兩譜刻梓者似應合版而此獨單行猶之米芾書畫史二卷載于書錄解題者即為分列且宋史藝文志止存畫史而不及書史可知古人書畫分載之書原可析卷單行也此本撫印雖清而字畫不能工整其為明代坊間所刻無疑

收藏印記無考

蕭閒  
仙卿

朱文目錄

卷十

東觀餘論

一函  
二冊

宋黃伯思著二卷前總目後有伯思自序後宋  
樓鑰序

此書在宋嘉定間樓鑰刻之建安漕司此明時  
項篤壽翻刻樓本故存其序總目及上下卷標

題下皆刊篤壽名而嘉禾項氏萬卷堂梓方圓  
木記凡四見於書中第以出自翻板撫印不能  
工整考宋史伯思字長睿邵武人元符三年進  
士累官秘書郎自號雲林子別字霄賓樓鑰項  
篤壽見前

御題米已闢王黃斥米從來聚訟每紛如千年下議  
千年上幾事實當幾事虛筆正明言在心正古書垂  
法示今書重摹淳化加詳訂也覺斯之未信予乙未



新正中澣御筆鈐乾隆雙璽

漱玉亭諸印未詳其人

朱文

漱玉亭

白文

錦程之印

朱白間文俱目錄

不壽

卷上卷下

若瞻

朱文

卷下

東觀餘論

一函  
六冊

篇目同前後有宋黃訥序

此本雖多黃訥一序而實為項氏刊版書中所  
有篤壽名及刊印之木記俱為書賈割去意在

欲充宋槧而補紙之痕終不能掩也

泰興季氏藏本內有宋本小印亦季氏所鈐蓋因未見項氏完書遂為所惑今有前部可証此印不復採入餘印無考

日襄

日字朱文

襄字白文

南美贊

南氏泰

俱白文

季印振宜

華倉

俱朱文

季公泰

白文

四磨

朱文

書隱

白文

俱第二冊

君申

朱文

四磨之印

雍門世家

俱白文第二冊

第四冊

朱文墨印 第二冊



第四冊 第六冊

朱文 第三冊



第六冊

白文



朱文墨印



俱第六冊

# 古今法書苑

三函  
十八冊

明王世貞著七十六卷前世貞二序次王乾昌

## 序

乾昌序稱公家藏有古今法書苑七十六卷晚年欲刊行未果友人宋賓之氏得其副墨携示重與吾鄉勝流開士搜討是正積有歲年云云

是世貞撰成此書未經付梓乾昌實始刻之世貞二序一為孫孟芳書一為陸萬里書考松江志萬里字君羽華亭人工書於時莫雲卿早逝而董文敏後起故萬里稱獨步焉乾昌孟芳亦皆自題雲間人與陸氏同鄉里孟芳所作隸書古雅有法疑皆為乾昌所屬其稱吾鄉勝流者殆謂此也王世貞見前

本朝大學士高陽李蔚藏本蔚字景霽直隸高陽

入順治三年進士改庶吉士授編修累官至保和殿大學士加太子太師謚文勤

坦園書記

焚涓

俱朱文

世貞序

尊甄

朱文

目錄

李爵

坦園

俱朱白間文

李爵字景需號坦園別號玉司

朱文

俱卷一

初學記

五函三十冊

唐徐堅著三十卷前宋劉本序

劉本序作於紹興四年不述刊刻始末此本上方有九洲書屋四字觀其版式字體蓋出明人

所刊撫印頗為清朗考新唐書徐堅字元固湖州長城人舉秀才及第累官秘書監左散騎常侍集賢院學士贈太子少保諡曰文劉本無考收藏二印未詳其人

白文



朱文



俱卷一之卷三十

初學記

二函  
二十四冊

篇目同前

清朗不及前部撫印在其後也

收藏二印未詳其人

朱文

瑯琊文  
房清玩

五代

白文序目錄

司馬

卷一之卷三十

闕補卷一十六卷二十六卷九十二卷十三十二

一卷二十八三十卷三十十

初學記

三函  
十一冊

篇目同前

此書版心上方標安桂坡館每卷標題之下又稱錫山安國校刊安國見前其所刊書籍甚夥流傳亦廣而善本則不多得此書版式字體與前二部相同蓋取九洲書屋之本而翻刻之者

明焦竑藏本有澹園印記竑見前又有范大澈印按後藝文類聚中亦有其收藏印記稱四明范生當屬范欽後人亦天一閣所藏書也



澹園

朱文序

目錄卷一

桃花源裏人家

白文

目錄

萬書樓

范太澈印

子宣父

俱白文卷一

卷四卷七

卷十卷十二卷十四卷十七卷二十

俱白文卷三

卷二十三卷二十五卷二十七卷二十九

平生樂事

滄瀛外史

卷六卷九

卷十一卷十三卷十六卷二十二

朱文卷三卷六卷九

卷二十四卷二十六卷二十八

范太澈圖書印

卷十一卷十三卷十六卷十九

卷二十二卷二十四

卷二十六卷二十八

闕補卷二十二一卷二十三六卷二十九二十

初學記

一函  
十二冊

篇目同前

亦安氏翻刻之版撫印并出一時

闕補序

四

白孔六帖

十函  
五十冊

唐白居易纂宋孔傳續編共成一百卷宋韓駒

序

此書撫刻精良紙墨亦出上選係明版之最佳者孔傳宋史無傳凌迪知萬姓統譜載傳字世文兗州人孔子五十世孫精於易學建炎初與孔端友南渡寓居衢州率族人拜疏於闕下敘家門故事歷知邠州陝州撫州改知建昌進續白氏六帖文樞要覽詔送秘書省所著有東家雜記杉溪集官至中散大夫宋史韓駒字子蒼仙井監人政和中賜進士出身累官中書舍人

兼權直學士院贈中奉大夫考唐書藝文志作  
白氏經史事類一名六帖程大昌演繁露謂開  
元課試之法裁紙為帖白書為制科特設故以  
帖為名其載於宋史藝文志者則稱白氏六帖  
三十卷前後六帖三十卷注云前白居易撰後  
宋孔傳撰所云前後六帖三十卷者蓋謂前後  
皆三十卷共六十卷也故陳氏書錄解題及馬  
氏文獻通考皆先列六帖三十卷後列後六帖

三十卷合之皆止六十卷今本分為百卷乃明人所更與宋槧卷目異焉

白孔六帖

四函  
三十二冊

篇目同前

白孔六帖

十函  
一百二冊

篇目同前

以上二書皆與前部同時撫印之本

收藏二印未詳其人

三朝  
講官

白文

吉水  
世家

朱文俱序目錄下

卷一之卷一百

百川學海

二函  
十六冊

宋左圭纂分甲乙丙丁戊己庚辛壬癸十集前  
圭自序

左圭宋史無傳其自序有壽諸梓以溥其傳之  
語則圭固嘗自刊而此本字畫參錯係出翻版

闕補學齋佔筆卷一

七卷四

七  
九  
十  
十六

蔡邕

獨斷卷下

十一十二

九經補韻

五

九

六

古今注卷下

五釋常談卷下

六

燕翼貽謀錄卷三

四

卷四

五

六

卷五

九

春明退朝錄卷上

一

卷中

八

卷下

五

十三

玉堂雜記卷中

二

揮麈錄卷下

七

厚德錄卷一

五卷三

四

文正王公遺事

九

龍城錄卷上

五卷

六下一

前定錄

序

二

鼂氏客語

三十一

道山清話

三十一

道山清話

三十一

道山清話

三十一

道山清話

三十五

畫簾緒論

一

九

二十

十

祛疑說

十五

十九

十五

十五

十五

十五

十五

十五

十五

十五

十五

十五

二十二

宋景文筆記卷上

五

鼠璞

十五

十五

十五

十五

十五

十五

十五

十五

十五

十五

十五

十五

十五

十五

十五

三十六

善誘文

序九

螢雪叢說卷上十一卷下

九西疇常言

十一十二

東谷所見

三十一

趙元

素雞肋

全四六話卷上

十四六談麈

序文房四

友除授集

四十一

騷畧卷一

五七

獻醜集二選

詩句圖

六

二十七二十四之二十六

石林詩話卷中

三東萊詩話

一

珊瑚鈎詩話卷三十貢父詩話

四後山詩話

五

許彥周詩話

一十六

庚溪詩

話卷下

九

十四

竹坡詩話

三之五十六

法



帖釋文卷七 三 卷九 五 海岳名言 四 書斷 三 續

書譜

四

歙州硯譜

五

刀劍錄

七

香譜

五

茶經卷

下九

煎茶水記

五

茶錄

四

筍譜

五

二十一

二十二

蟹

譜

荔枝譜

三

菊譜

十一

海棠譜卷上

五

卷下

一禽經 十

羣書考索

十二函  
一百冊

宋章如愚輯前集六十六卷後集六十五卷續

集五十六卷別集二十五卷共二百十二卷

考金華先民傳稱如愚字俊卿金華人慶元中  
登進士第累官國子博士改知貴州開禧中被  
召上疏極諫時政因忤韓侂冑罷歸講學論道  
遠近咸師尊之稱曰山堂先生所著有羣書考  
索六十六卷云云蓋作傳者僅見其前集而不  
知其尚有後續別三集也今坊間所行刊本亦  
止有前後續三集而別集往往無之此書方為  
全本撫印頗精亦明版之佳者

事類賦

二函

十六冊

宋吳淑著三十卷前宋邊惇德序次淑進注事

類賦狀

考宋史吳淑字正儀丹陽人預修太平御覽太平廣記文苑英華作事類賦百篇以獻詔令注釋淑分注成三十卷上之官至職方員外郎卒於咸平五年此書卷三十後刊宋紹興丙寅右迪功郎特差監潭州南嶽廟邊惇德左儒林郎

紹興府觀察推官主管文字陳綬右從政郎充  
浙東提舉茶鹽司幹辦公事李端民校梓觀此  
則淑書成于咸平以前上于太宗之朝初無刊  
本直至紹興末年浙東官屬方為付梓而書中  
于每卷標題之下吳淑銜名之次標都事錫山  
華麟祥校刊麟祥雖未詳其人而版心上方刊  
崇正書院四字考常州府志宋寶祐中無錫令  
袁從為祠以祀楊時陸九淵張栻楊簡袁燮袁

甫喻樗尤衰蔣重珍曰九先生祠元教授虞蔣  
發去陸九淵張栻楊簡袁燮袁甫益以李祥名  
五先生祠嘉靖八年邑人華雲益以李綱邵寶  
為七賢祠而榜曰崇正書院夫崇正之名始於  
嘉靖八年則此書版行蓋出於嘉靖以後也邊  
惇德字公辨楚邱人才思敏給以能詩名見凌  
迪知萬姓統譜李端民字平叔見洪邁容齋五  
筆陳綬無考

南康白鹿書院藏本有印記魯國世家印無考

魯國  
世家

白文序

卷三十

白鹿  
洞

白文

卷一之卷三十

事類賦

二函

十六冊

篇目同前

此書係從前板翻刻其版心之崇正書院改刊  
寧壽堂其吳淑華麟祥標名處改刊三吳徐守  
銘警卿校梓長洲杜大中子庸同梓卷末亦鐫

去邊惇德等銜名蓋故為變其面目以圖彌市  
之本刻手拙劣遠遜前部所稱徐守銘杜大中  
未必非書賈借名也

明焦竑藏本有澹園焦氏印竑見前餘印無考  
其卷三卷十二并有字畫模糊之印不可辨識  
也

澹園焦氏  
珍藏

朱文進書狀卷一卷三卷五卷七卷九  
卷十卷十二卷十九卷二十一卷二十七卷二十九

魯國  
世家

新安  
開國

俱白文  
進書狀

竹浪齋品

白文目錄 卷五 卷十 卷十三

子孫寶

白文卷一卷七 卷十

卷十五 卷十九 卷二十三 卷二十五 卷二十九

卷十三 卷十七 卷十九 卷二十一

徽紫

白文 卷三 卷七 卷九 卷十五

卷十七 卷二十一 卷二十三 卷二十五 卷二十九

事類賦

一函  
十四冊

篇目同前

此書于每卷吳淑銜名之後留空一行蓋本欲  
列校梓者之名而未經刊入其卷三十後所載



邊惇德等銜名雖與前第一部同而版式各異  
撫刻特精實出錫山華本之上

明仇英藏本有十洲印按王穉登丹青志載英  
字實父號十洲太倉人移家郡城畫師周臣而  
格力不逮工於臨摹往往亂真



朱文

卷三十

紀纂淵海

四函  
三十二冊

宋潘自牧著一百卷前明陳文燧胡維新二序  
次編校姓氏

考金華府志自牧金華人官福州教授其書不  
載于宋史及文獻通考諸書今觀陳文燧序稱  
予先世求之閩蜀得其前編周流吳越復購後  
編寶玩蓋幾百年矣云云是自牧此書其初原  
有前後兩編亦無刊行定本故文燧既云求得  
又云復購也文燧序又稱余戊寅冬承乏畿南

公暇謬為補注剝落太甚者屬別駕蔡公司理  
顧公學博吳公採輯諸書補缺序次示諸太守  
越峯王公邑令吳君皆願捐俸梓之梓成分為  
門若干條若干卷若干云云據此則是書不但  
為文燧所刊其卷目門類亦更定于文燧之手  
書中所分一百卷并分為五十八部者未必與  
自牧原書一一符合也考明大學題名碑文燧  
臨川人嘉靖壬戌進士其序作於萬歷己卯時

為河南按察副使胡維新與文燧同官故為之  
序維新餘姚人嘉靖己未進士亦見太學題名  
碑

闕補卷十二

十六

卷十六

十二

卷二十四

三卷

四十三十七

卷五十七

二十六

卷六十五

十一

卷七十四

十一

卷七十五

二十六

卷八十四

二十四

卷八十五

二十二

卷八十六

二十

古今合璧事類備要

十二函

一百二十冊

前集六十九卷後集八十一卷續集五十六卷  
宋謝維新編別集九十四卷外集六十六卷宋  
虞載編前集首載維新自序宋黃似道跋

此書每集卷首標題之下皆稱三衢夏相重摹  
宋版校刊則知此書非宋槧矣第宋時既經刊  
行而文獻通考宋史藝文志均未著錄則此書  
在明以前流傳固少也謝維新虞載皆建安人  
維新字去咎載字子厚並見書中黃似道夏相

無考

古今合璧事類備要

八函  
三十八冊

篇目同前闕黃似道跋

此書各集卷首皆割去夏相校刻一行補以別  
紙其清朗迥出前部之上蓋同出一版而選紙  
選墨撫印獨工書賈以其精好遂思作偽耳明  
邵寶藏本印記見前書中又有端本印端字俱  
作山旁亦係書賈偽作不足采入

錫山邵氏家藏

白文序 前集目錄 卷卒九 後集目錄 卷八十一

續集目錄 卷卒六 別集目錄 卷九十四 外集目錄

闕補別集卷八五

羣書集事淵海

六函  
三十二冊

不著撰人姓氏四十七卷前明劉健序後明李  
東陽謝遷二序

按明高儒百川書志以此書為弘治間人所撰  
今考李東陽序則稱國初人輯不著姓名謝遷

序則稱此書所采自春秋戰國迄于前元而不  
著名氏豈元末之際窮居避世而托志于文字  
以終其身者如虞卿之徒歟一稱國初一稱元  
末俱不屬之弘治則是百川書志所載祇以東  
陽與遷健三序皆作于弘治乙丑遂誤以刻書  
之日為撰書之年耳健序稱內官監左少監賈  
公性近于貨書家得書四十七卷若類聚合璧  
之比題曰羣書集事淵海甚便觀覽公愛而重



之因校正舛訛重新諸梓云云則此書刻自明  
季中官資饒而工審宜其撫印獨精矣考明史  
劉健字希賢洛陽人天順四年庚辰進士累官  
少師吏部尚書華蓋殿大學士贈太師謚文靖  
謝遷字于喬餘姚人成化十一年乙未進士第  
一官少傅戶部尚書謹身殿大學士謚文正東  
陽見前

錦繡萬花谷

二函  
十六冊

不著纂人姓氏八十卷前自序

考陳振孫書錄解題載錦繡萬花谷四十卷續  
四十卷謂序稱淳熙十五年作而不著名氏門  
類無倫理序文亦拙今此書所列卷數相同其  
序亦載于書首而猶存宋槧之舊而撫刻不佳  
係翻版之故也

藝文類聚

四函  
四十四冊

唐歐陽詢著一百卷前詢自序

按唐書藝文志此書係詢與令狐德棻趙宏智  
等同修則詢固總其成者陳振孫書錄解題謂  
其所載詩文賦頌之屬多今世所無之文集故  
宋人咸重其書諸家簿錄無不載之此本撫印  
頗精而不誌刊刻年月以版式紙質較之係為  
明槧歐陽詢字信本臨湘人歷官太子率更令  
弘文館學士封渤海男新唐書有傳

明四明范大澈藏本所鈐諸印大半見前其稱

句章灌園叟者考後漢書郡國志會稽郡縣餘姚句章又郭璞注山海經稱句餘之山在餘姚南句章北故二縣因以為名云以地理考之句章即今鄞縣地也又有卧雲印考朱彝尊明詩綜小傳云陳宗虞字于韶閬中人嘉靖庚戌進士官按察副使有卧雲樓稿據此則卧雲當為宗虞私印其餘典客侍從之臣并典屬國冏菴寶墨齋開承堂金莪玉几諸印未知誰氏所鈐

寶墨齋

朱文

序

范印  
大澈

白文 序 卷六

平生  
樂事

白文 序 卷十二

卷三十七 卷四十七

卷五十八 卷六十七

萬書  
樓

白文 目錄 卷六 卷十二 卷十八 卷二十五

卷八十一 卷一百

卷三十一 卷三十七 卷四十八 卷七十六 卷八十二

卷八十八

子宣父

白文 目錄 卷十一 卷三十

朱文 卷一

卷九十四

卷四十二 卷六十七 卷九十三

四明  
真逸

卷四十八 卷七十六

范氏  
子宣

朱文 卷一

卷三十一 卷六十八

卧雲

朱文 卷五 卷十四

卷五十二 卷六十七

滄瀛  
外史

白文 卷五 卷三十五

卷三十六 卷四十二 卷七十五

范大澈  
圖書印

朱文 卷五 卷十一 卷十八 卷三十四 卷三十三 卷三十六 卷四十一 卷四十七

卷五十二 卷五十八 卷六十六 卷七十五 卷八十一 卷八十七 卷九十三 卷一百

句章  
灌園叟

白文 卷十一

卷四十一 卷五十八

典客  
侍從之臣

白文 卷十七

卷三十七

對此展  
玩咀嚙  
自謂當  
天氏之民

朱文 卷十七

卷三十七

明州  
范生

白文 卷十八

典屬  
國印

白文 卷十八

卷七十五

卷三十一 卷四十七

南海  
釣者

白文 卷三十四

卷三十 卷一百

問  
菴

朱文

卷三十五

卷八十七

開承  
堂

白文 卷三十六

卷九十三

卷五十九

范  
伯子

白文 卷四十一

卷五十九

金我  
王几

白文 卷四十三

卷六十六

朱文

封

卷五十九

朱文

丹山  
赤水

卷八十一

新編古今事文類聚

十三函  
一百三十冊

前集六十卷後集五十卷續集二十八卷別集  
三十二卷宋祝穆編新集三十六卷外集十五  
卷富大用編書首有穆自序

按祝穆自序作于淳祐丙午六年而宋史藝文  
志不載此書似是穆雖撰成自為作序而其書

仍未刊行是以宋史不為著錄又按書中新集  
外集皆為富大用所編因其于職官一門獨畧  
特為增輯大用為何代人雖不可考然新集別  
集卷首次行俱標南江富大用時可編則一創  
一因犁然可見且全部標題特用新編二字自  
與穆書原本有別其非舊刻無疑乃近時坊間  
通行別本俱削去大用之名竟以全書盡屬之  
祝穆誤矣考凌迪知萬姓統譜祝穆字和甫其



先由江陵遷歙穆從朱子受業以儒學昌其家  
所著有事文類聚方輿勝覽諸書

闕補續集卷十 三十六  
新集卷十九 十二

唐詩紀事

六函  
四十八冊

宋計有功著八十一卷前有功自序宋王禧序  
目錄後載明張子立識語

計有功宋史無傳按凌迪知萬姓統譜但稱有  
功居魏公幕府紹興中遣詣行在奏對獻所著

晉鑑云云而未詳其里居今觀其書中自序識  
為臨卽則知有功乃蜀人也王禧序作于嘉定  
甲申歲稱慶元辛酉始得是書立命數十吏傳  
錄繙閱累年手自讐校十是正其七八乃鋟之  
於懷安郡齋是此書初刻係出於王禧之手而  
張子立又為重校覆刊因作識語於其後也又  
考朱彝尊明詩綜小傳張子立字原禮黃縣人  
中嘉靖丙戌科進士官至右僉都御史巡撫延

綏

梁澍收藏印記無考



白文




朱文

俱計序

闕補卷五十一  
五

欽定天祿琳琅書目卷九



總校官候補中書臣吳紹潔

校對官中書臣徐秉敬

謄錄監生臣朱懷玉